

बकना

व्यवसायिक पत्रकारिता, थौंया आवश्यकता

LAHANA WEEKLY

वाःपौ

सा:गु भिंगु मरिचरिया निंतिं
लुमंका दिसँ ।

लक्ष्मण गामाल 'चिलंमि'
प्रोप्राइटर

લાખા ઘેં

LAKHA CHHEN

सोह्रखुट्टे, वडा नं. १६, येँ, फोन नं.: ४३६०७५८

थुकि दुने

विक्रम दाइया स्मृति
सुनील महर्जन

- २



जिगु लुमन्तिइ विक्रम शाक्य दाजु
बिराजकाजी राजोपाध्याय

— 3 —



नेवाः संकिपाय् नेपाःया इतिहास व जामनः
गुभाजु
विजयरत्न असंबरे

-3-



रानी पुखू
पेज ४-५

नेपाः मिया
तः धंगु नखः
मोहनि

कोरोनाया हुनिं यक्व हे पूजापर्व
औपचारिकताय् लिक्कुनीगु

लहना संवाददाता

नेपाः जक मखु, मुकं हलिं हे कोरोना महामारी आक्रान्त जुयाच्वंगु ई ।
 भीके मेगु छुं खै ल्हायु धाःसां खै ल्हायुगु विषयवस्तु हे मदुगु थे जुइधुंकल । मेगु
 विषयवस्तुयात कयाः सहलह, खैल्हाबल्हा याःसां चावाःहिलाः व हे कोरोना
 महामारीलिसे स्वाः हे वनी । थ्व सुयां रह्र मखु, परिस्थिती हःगु वाध्यता हे धायु
 माली । मोहनिन्यः नेवयाच्वंगु दु, मोहनिलिसे भीगु यक्व साँस्कृतिक गतिविधित
 स्वानाच्वंगु दु । मोहनि धुनाकथं स्वानि वइ । स्वानि ला नेवाःतयगु निरिति अभ्र
 लसता व महत्वं जाःगु नखः खः । लक्ष्मीपूजा, म्हपूजा, किजापूजालिसें नेपाल
 सम्प्रतया न्हूदैं न वरगु स्वानि भीगु निरिति तसकं लसतां जाःगु नखः खः । तर
 थ्व नखः अले नखःलिसे स्वाःगु लसतायात नं कोरोना महामारी थुगुसी लिच्वः
 लाकाच्वंगु दु । नखः गुकथं हनेगु, नखःलिसे स्वानाच्वंगु पूजा, भ्वयु लिसेंया
 ज्याखँयात माःगु थीथी हलंज्वल गुकथं मुंकेगु ?

त्यं ७ पेजयु

ल्यं ७ पेजय्

यल महानगरया स्वदं

बोर्ड बैठकया क्वःछिनाया कार्यान्वयन छु जुल

संस्कृति सम्पदाया हे तःमि शहरकथं
महसीयाच्चंगु यलय् राजधानी हे मद्गु
हस्तकला, मूर्तिकला, ताम्रकला, चित्रकला,
प्रस्तरकला आदि दु । थ्व बाहेक बुंगद्यः,
द्यःप्याखं थेंजाःगु अमूर्त साँस्कृतिक सम्पदाया
निर्ति नं लोकंहवाः ।

थुग कला, संस्कृति स्वयत् वडीप
पर्यटकपाखें दुर्हांवड्गु राजश्व हे यल
महानगरया मू आमदानीया श्रोत खः धाःसा
पाडमखु । थुकियात मध्यनजर यासें यल
महानगरपालिकाया प्रमुख चिरीबाबु
महर्जनया अध्यक्षताय् च्वंगु मुँज्यां यलयात
राजधानीया नमूना साँस्कृतिक पर्यटकीय
नगरी दय्केगु निनिं सरोकारवाललिसेया
विशेष पचः नीस्वनेगु क्वःछ्यगु खः ।

व लिपा च्वंगु हे मुँज्यां बुंगद्यः,
कात्पियाख्वं, मतयाः जात्रा वखोना, हरिसिद्धि,
धापाख्यःया देगः, शिवालय आदिया लगत
कयाः विश्व सम्पदाया धलखय् दुथ्याकेगु
निर्ति पहल यायगु क्वःछित। उगु मुँज्याय्
लेले त्यांका भैलःद्यःनिसें जाह्वलाख्यः जूसें
कृपण्डोल तकया राजकुलोपाखें लगंख्यःया



बुंगछः, कात्तिप्याखं, मतयाः जात्रा
व खोना, हरिसिद्धि, धापाख्यःया
देगः, शिवालय आदिया लगत
कयाः विश्व सम्पदाया धलखय्
दुथ्याकेगु नितिं पहल याय्गु
क्वःछित ।

सप्तपाताललिसेंया पुखुली लः जायूकेगु
बाचा नं याःगु जल ।

यलयात साँस्कृतिक राजधानी दय्
केगु क्वःछिनाया कार्यान्वयनयात कयाः
जनप्रतिनिधिया ध्यान वंगु खनेमदु ।
जात्रापर्वया नितिं बिया वयाच्चंगु दरबन्दी

धेबा बीगुली जक सीमित जूगु खनेदु ।

अथे हे, महानगरय् सवारी चाप म्हो
यायूत पूच्च-कुण्डोल, सातदोबाटो,
एकान्तकुना, सुनाकुथिइ वनेगु चक्रपाथ,
म्हार्कोय् फ्लाइओभर ब्रिज, लंग्छ्यःया पाटन
अस्पताल व साभाया न्ह्यःने आकाशे ताँ
दयकेगु क्वःछ्यगु जुल ।

अथे हे, स्थानीय तगिमयू विविधया शासन
लागू राजशवलिसे कर छलतू यानाच्चर्पि
कानूनी दायरायू हयगू निरित प्रमुख महर्जनया
संयोजकत्वयू श्रोत अनुमान तथा बजेट सीमा
निर्धारण समिति, वडा २१या अध्यक्ष रविन्द्र
महर्जनया संयोजकत्वयू आर्थिक विकास
व वडा २४या अध्यक्ष दिनेश कार्कीया
संयोजकत्वयू सामाजिक विकास समिति
नीस्वंग खः ।

थौक=हय् कोरोना भाइरस
(कोभिड-१९)या महामारीया हुनि फुक्क
धइथै व्यवसाय ठप्प जुयाच्चंग दुसा थ्व हे हुनि
गुलिखे ज्यात निर्णय याः कथं याय्मफयाच्चंग
नं संयोजकतसें दावी याना वयाच्चंग द ।

ल्यं ७ पेजय्



सुलभ **आवास** कर्जा

खुसीको सही ठेगाना...



मैरो आगु, गाव र मा छोरी नयाँ घरमा

वार्षिक
ल्याजदर ७.९९%*

१ वर्ष सम्म ल्याजदर परिवर्तन नहुने

विशेषताहरू:

- घर निर्माण/खरिद गर्न
- घर निर्माण लागतको १००% सम्म कर्जा
- ३ कार्य दिन भित्र निर्णय*



नेपाल बैंक लिमिटेड
NEPAL BANK LIMITED

क्यालकुलेशन: धर्मपथ, काठमाडौं

फोन नं.: ०१-४२९४२०२०२, ०२१-४२९४२०२०२

नेपालको पहिलो बैंक
www.nepalbank.com.np

*सर्वोच्च रेटिङ्ग ग्रेड १

Annual Interest Rate

Annual Interest Rate (APR) ७.९९% (Fixed)

सम्पादकीय

कोरोना संक्रमण्य असफल
जुजुं वनाच्चंगु सरकार

थौकन्हय्या तथ्याङ्क स्वय्गु खःसा स्वनिगः कोरोना भाइरस (कोभिड-१९)या नितिं हटस्पट जुजुं वनाच्चंगु दु। छन्हुं हे कोरोना भाइरसपाखें संक्रमित जूपिनिगु ल्याः नीन्हय्सःमह स्वयां अप्वः थ्यनाच्चंगु दु। तर स्वनिगल्य थ्व स्वयां न अप्वः मनूतयूत संक्रमण जुयाच्चंगु अनुमान याना वयाच्चंगु दु। विशेष यानाः सरकारं रियल टाइम पिसिआर टेष्ट अप्वः याइगु इलय् संक्रमणया ल्याः अप्वइगु व म्हो याइगु इलय् म्हो हे जक ल्याः न्ह्यब्वयाच्चंगु दु। थ्व ल्याखं धाय्गु खःसा संक्रमित जूपिनिगु दर कुहाँ वयाच्चंगु खनेमदु। अभ धाय्गु खःसा देय्न्यंक पिसिआर टेष्ट यानाः पिहाँवःगु लिच्वःया थ्यमथ्यं ख्वीगूनिसें न्हय्गू प्रतिशत स्वनिगःयापिं हे दु। थुकियात दुवाला स्वय्गु खःसा स्वनिगल्य कोरोना महामारीयात पनेमफइगु स्थिति खनेदय्धुकूगु दु। गुलिखय् अस्पताल्य वासः याय्गु भेन्टिलेटर व आइसीयू हे मदयाः ल्वगितसें थःगु ज्यान तंकेमालाच्चंगु अवस्था दु।

स्वास्थ्य तथा जनसंख्या मन्त्रालयपाखें न्हियांनिहथं बिया वयाच्चंगु प्रेस ब्रिफिङय् तर्क प्रवक्तां स्वनिगल्य जक मखु, देय्न्यंक हे नं वासः याय्गु नितिं वेडया अभाव जूगु हुनिं तसकं थाकूगु अवस्थाय् जक अस्पताल वयूत इनाप याःगुलिं नं देसया स्वास्थ्य उपचारया अवस्था गन थ्यनाच्चंगु दु धइगु स्पष्ट जूगु दु। अथे खःसा जनस्वास्थ्ययात कयाः ध्यान बीमाःगु निकाय अर्थात सरकार धाःसा सत्ताया कासाय् हे जक तक्यनाच्चंगु खनेदु।

खयूत ला सरकारी निकाय बालुवाटारय् सुरक्षाकःमिलिसें प्रधानमन्त्रीया सल्लाहकारपिं आः वयाः पर्यटन मन्त्री, शिक्षा मन्त्रीयात तर्क कोरोना भाइरस संक्रमण खनेदय्धुकाः महामारीया अवस्था गनतक थ्यनेधुकल धइगु क्यनाच्चंगु दुसा थुकियात कयाः सरकारं यानाच्चंगु ज्यायात नं स्पष्ट यानाब्यूगु दु। रोगं तःमि वा चीमि, निम्न व उच्च वर्ग, पदयापिं धकाः ल्यइमखु, अथेखःसां थुकियात नियन्त्रण याय्गु नितिं यानाच्चंगु सरकारया ज्या गुलि छ्वासु धइगु खँयात उलाब्यूगु दु। अथेखःसां सरकारया प्रवक्तारिलेसें मन्त्री कोरोना नियन्त्रणय् स्वनिगः ल्यूने लानाच्चंगु दु धकाः मछाःमजूसे अभिभ्यक्ति बियाच्चंगु दु।

कोरोनाया महामारी जक मखु, वासः याय्गु खँय नं सरकार चुकय् जूगु खनेदु। विशेष यानाः सरकारी अस्पताल्य कोरोनाया वासः याय् बलय् म्हो जक धेबा खर्च जुइगु खःसा व हे वासः सरकारं अनुमति बियातःगु ततःधंगु अस्पताल्य धाःसा लखौं लख फुकेमालाच्चंगु अवस्था दु। छम्ह साधारण मनू लखौलख फुकाः वासः याय्गु अवस्था दु वा मदु धइगु नं सरकारयाके ज्ञां मदुथें च्वं। मखुसा कोरोनाया नामय् लखौलख दां अस्पतालं म्हाय्चवसां नं सरकार मौन हे जुयाच्चंगु दु। थुगु अर्थय् देसय् न्ह्यामहेस्यां न्ह्यागु याःसां ज्यू अर्थात सरकार हे मदुगु खःला धइगु तर्क अनुभव याना हयाच्चंगु दु। सरकारया उच्च पदस्थ मनूतसें सरकारया धुकुति स्वाहा यानाः उपचार याइ, तर सर्वसाधारणतसे गुकथं वासः याय्गु खः धइगु खँय नं ध्यान बियाः थुखेपाखे सरकार न्ह्याचिलेमाःगु खनेदु। थुगु यथार्थयात कयाः सरकारया मूल्यांकन यानाच्चंगु दु धइगु खँय सम्बन्धित निकायं च्यूताः क्यनेमाःगु थौया आवश्यकता खः।

त्वमिपिन्त इनाप

लहना वाःपतिइ लेख, रचना, रिपोर्ट व समाचार छ्वयादीफइ। छिकपिंसं छ्वयादीगुयात थुगु वाःपतिइ थाय् बियाच्चना। पिदंगु च्वसुयात उचित पारिश्रमिक बीगु नं सुचं बियाच्चना।

लहना वाःपौ

भोछें, यें

lahana.news@gmail.com

विक्रम दाइया स्मृति

सार्वजनिक जीवनय् न्ह्याबलें जुभारु नीडर व तेजस्वी व्यक्तित्व जीवनया लिपांगु इलय् छाथ् थें बुलुहुं बुलुहुं बुलुया वन ? थथे सुम्कं च्वनेगु विक्रम दाइयात थःगु मन व स्वभाव ब्यूगु ला निश्चय नं मखु।



सुनील महर्जन

जीवनय् विक्रम दाइलिसे स्वाःगु थीथी लू नुगलय् भलभल वयाच्चन। विक्रम दाइ मन्त धाःसानिसे मनय् लुमना वयाच्चंगु लुमन्तिनापं जिगु मौन खँल्हाबल्हा न्ह्याना हे च्वंगु दु। व स्मृतिया न्हाय्कनय् जि विक्रम दाइयात जर्क मखु, थःत थःम्हं क्वथीक स्वयाच्चना। थीथी ईया जिगु लुमन्तिया जलय् दुने विक्रम दाइया जीवन थीथी भूमिकाय् खंकाच्चना।

जिगु नितिं छम्ह ल्याय्म्ह बौद्ध न्ह्यलुवा खः विक्रम दाइ। लिपा जि पत्रकारिताख्यलय् दुहाँ वया। पत्रकारिताख्यलय् पलाः छिनाबलय् वय्कः जिगु नितिं छगू गुँच्चका समान खः, गन थ्यंकेत जिगु मन न्ह्याबलें तत्पर। थ्व खँ जीवनय् बरोबर लुमसे वयाच्चनिगु खः। वय्कःलिसेया सम्बन्धया थीथी लू थ्व हे बौद्ध धर्म व पत्रकारिताया चाकःया जःखः दुने दु।

विक्रम दाइया नां दकलय् न्हापा २०५३ सालपाखे न्यानागु खः। उबलय् जि नर्कतिनि १३दै दुगु खः। उगु दँया बुद्ध जयन्तीया लसताय् यलया नागबहालय् नीन्याक्वःगु बुद्ध व बुद्ध धर्म सम्बन्धि बौद्ध न्ह्यसः लिसः कासा जूगु खः। जि न्हापांखुसी ब्वति कयागु कासा नं व हे खः। मदुम्ह बौद्ध न्ह्यलुवा हेराकाजी सुजिकाया कुतलं जि उबलय् श्री सुमंगल बौद्ध संघपाखें उगु कासाय् ब्वति कयागु खः। उगु कासाय् ब्वति काय्धुकाः जि थुगु ख्यलय् जुयाच्चीपिं थीथी व्यक्तित्वयात म्हासिकेगु, उर्पिनाप खँ ल्हाय्गु ह्वःताः चूलाःगु खः।

उगु कासाया निरन्तरताया नितिं मृगुथि नीस्वनेगु विषययात इखाछैय् च्वंगु गोपीचन्द्र महाविहारय् छगू सहलह जूगु खः। उगु ज्याइवल्य जि वय्कःयात खनागु खः। व हे दँय असार १९ गते लुम्बिनीइ जापानी भिक्षु युनाताका नावातामेया हत्या जूगु खः। उगु बुँख सकल शान्तिप्रियलिसें बौद्धख्यलय् अतिकं हुइनाभुइना जुल। भगवान बुद्धया जन्मभूमि लुम्बिनीइ जूगु अन्तर्राष्ट्रिय बौद्ध व्यक्तित्वया हत्या नेपाःया कमजोर सुरक्षा अवस्थया दसू खः धकाः राष्ट्रिय व अन्तर्राष्ट्रिय सञ्चारमाध्यमय् नं बय्बय जुल। हत्याया निष्पक्ष छानबीन, दोषीयात कडा कारवाही याय्गु नितिं सरकारया थीथी बौद्ध संघसंस्थां दबाब बीगु शुरु जुल। व हे इवल्य यलया थीथी बौद्ध संघसंस्थायागु सयुक्त मोर्चा दय्काः भन्ते मदुगु भिस्वन्हुया दिनस लुम्बिनी वनाः श्रद्धाञ्जली प्वकवनेगु ज्याइवः क्वःछित। छगूकथं राज्ययात दबाब बीगु नं उगु ज्याइवःया उद्देश्य खः। उगु ज्याइवलकथं लुम्बिनी वनेगु इवल्य जि वय्कःयात खनागु व नां न्यानागु खः। उबलय् वय्कः बौद्ध विहार युवा समूहस तसकं सक्रिय जुयाच्चंगु ई खः।

हिन्दूराष्ट्र नेपालय् बुद्धधर्मप्रति राज्यं स्वय्गु मिखा बेक्वःगु पृष्ठभूमिइ बौद्धख्यलं अपराध अनुसन्धान प्रभावित जुइगु आशंका

प्वकूगु खः। बुद्ध धर्म विकासया विरुद्ध राज्यं हे अनेक हर्कत याःगु खँ जिगु न्हाय् पनं न्हापांखुसी न्यानागु व ब्वनागु नं थुगु इलय् खः। थुगु खँ राज्ययात स्वय्गु नुगः व चेतना ब्वलंकीगुलिइ तःधंगु लिच्वः लाकूगु आःतक नं वाःचायाच्चंगु दु।

थुगु घटनाप्रतिया उत्सुकतां यानाः पत्रिका पसलय् वनाः पत्रिका ब्वनेगु बानी शुरु जुल। पत्रिकाय् विक्रम दाइया बाइलाइन दुगु बुँख व च्वसु पत्रिकाय् खनीबलय् जि ब्वनेगु याना। उगु इलय् बौद्ध युवा कमिटीइ नं सक्रिय जुयाच्चनागु खः। उगु हे संस्थाया प्रतिनिधिकथं बौद्ध न्ह्यसः लिसः कासाया मृगुथिया मुँज्याय् ब्वति कयाच्चना। लिपा नेपालभाषाया सन्ध्याटाइम्स न्हिपतिइ लच्छिया लिपि तालिमया नितिं नां दुतिकेगु सूचं पिहाँ वल। उगु सूचंया आधारय् लिपि थपू गुथि यलया नागबहालय् लच्छियंक जूगु लिपि तगिमय् ब्वति कया। व हे इवल्य न्हापा लिपा नां न्यानातयाम्ह व खनाच्चनाम्ह विक्रम दाइनाप खँ ल्हाय्गु शुरु जुल। गुथिं पिथंगु नेपाःया प्रचलित लिपिया पत्रिका नं न्याना ब्वनेगु शुरु याना। थ्व २०५५ सालपाखे खः। अर्नालि आकस्मिकता वा गुबलय् नियमितताकथं वय्कःयात नापलाइगु व खँ ल्हाय्गु न्ह्यानावन।

बौद्ध युवा कमिटीं बुद्ध शिक्षा सर्वसाधारणपिन्त ध्वाथुइकेगु उद्देश्य यलया थीथी त्वालय् धर्मदेशना ज्याइवःया ग्वसाः ग्वय्गु ज्या न्ह्यात। थुगु ज्याइवः थ्यमथ्यं स्वदैतर्क लगातार न्ह्यात। व हे ज्याइवः सुथालाकेगु भाला बियातम्ह छम्ह दुजःलिसें जि सञ्चार कजि नं खः। जिगु ज्या धइगु व ज्याइवःया बुखँ च्वयाः धर्मकीर्ति, आनन्दभूमि लय्पौ विश्वभूमि, सन्ध्याटाइम्सया ज्याकुथिइ वनाः ब्यूवनेगु खः। उगु हे इवल्य मेट्रो एफएम हे उगु समाचार प्रसारण याय्गु नितिं विक्रम दाइया छैय् वनाः नापलाः वनेगु क्रम न्ह्यात। थुकिं विक्रम दाइनाप अभ सतिकेगु ह्वःताः दत।

२०५६ साल पद्मावती पुस्तकालयपाखें बुद्ध धर्म सम्बन्धि न्ह्यसः लिसः कासा पाः काःगु खः। उगु कासा सुथालाक्क न्ह्याकेत थीथी संघसंस्थालिसें समन्वय याय्गु व व्यवस्थापनया छम्ह जिम्मेवार व्यक्ति वय्कः खः। अथे जुयाः इलय् ब्वति काइपिनिगु पौ दुथ्याकेगु, पाठय्क्रमयात कयाः वय्कःनाप खँ जूगु लुमसे वः। २०५९ सालय् उगु कासा बौद्ध युवा कमिटीपाखें यलया कात्ति दबुलिइ न्यान्हुतकं जूगु खः। उगु कासा सुथालाकेगु नितिं वय्कःयाके यक्व हे न्येनेकने याना। उगु कासाया ज्याइवः न्ह्याकामिपिन्त वय् कःपाखें छन्हुया प्रशिक्षण बीगु ज्याइवः नं जूगु खः। वय्कः स्वयां जि गाक्क हे क्वकालि। अथेखःसां नं दँयदसं जुइगु बौद्ध न्ह्यसः लिसः कासा व बौद्ध वक्तृत्वकलाय् लगातार ब्वति कया वयाच्चनागु जुयाः वय् कलं जितः बांलाक्क हे म्हाय्गु खः। थुगु पृष्ठभूमिइ नं वय्कःनाप सतिकेगु नितिं भन् हे तिबः जूवन। आखिर वय्कः थःगु हे परिवेशय् ब्वलंगु खनि।

पत्रिका ब्वनेगु, बुलेटिन व धर्मकीर्ति पत्रिकाय् च्वसु च्वय्गु स्वभाव दयावंगुलिं जिगु मन बुलुहुं बुलुहुं पत्रकारितापाखे क्वछुना वन। लिपा क्याम्पसय् नं पत्रकारिता विषय कया ब्वनागु खः। इलय्ब्यलय् पत्रकारिता तालिमय् ब्वति नं कया। पत्रकारिता बारे सय्केगु सीकेगु इच्छा वय्कःयात इलय् ब्यलय् नापलाः वनेगु क्रम अप्वयावन।

थःम्हं स्युगु खँ कनेत वय्कः गुबलय् उर्सिं मचाः। इन्द्र, विवादया इलय् थःम्हं गथे यानाः पत्रकारिता यानाच्चना धकाः वय्कलं कनादीगु खः। ब्यवहारिककथं पत्रकारिता पेशाया प्रकृति, न्ह्यइपुस्सेच्वंगु, समर्थन व विरोध जुयाच्चनिगु, आत्मसन्तुष्टिया अनुभव वय्कलं कनादीगु लुमसे वः। वय् कःया खँ न्यानाः पत्रकारितायात कयाः मनय् अनेक तर्कना वइगु। छाथ्धाःसा जि दकलय् न्हापा नापलाःम्ह व म्हाय्गु पत्रकार वय् कः हे खः।

थ्व हे इवल्य महानगर पत्रिकाय् प्रशिक्षार्थी पत्रकारकथं ज्या याय्गु ह्वःताः चूलात। उगु इलय् समाचारया विषय छु दु ? समाचार स्रोत सु सु जुइफु धकाः न्यानाः विशेषतः यल महानगरपालिका व यलया थीथी सरोकारया विषययात कयाः यक्व हे समाचार दय्का। अर्नालि नेपाल समाचारपत्र न्हिपतिइ यल संवाददाताकथं ज्या शुरु याना। समाचार विषय मालेत, च्वयूत यक्व ई काइगु। समाचार छु च्वय्गु धकाः सुथानिसें तनाव जुइगु खः। उगु तनाव ज्येकेगु नितिं न्ह्याबलें थें न्ह्यःने वइम्ह धइम्ह हे विक्रम दाइ खः।

उगु इलय् वय्कः यल उप-महानगरपालिकाय् ज्या यानाच्चनादीगु खः। नगरपालिकाया समाचार च्वय् बलय् जि औपचारिककथं धाय्मछिं धाय्गुलिसे थ्व विषय च्वःसा ज्यू धकाः समाचारया विषय बियाच्चनी। उगु इलय् प्रधानमन्त्री सूर्यबहादुर थापाया सरकारं स्थानीय निकायस २०५४ सालं निर्वाचित जनप्रतिनिधि पुनःबहालि याःगु खः। उगु निर्णयकथं यल महानगरपालिकाया मेयरकथं बुद्धिराज बज्राचार्य पुनःबहालि जुल। विक्रम दाइ न्हापाथें तुं मेयर बज्राचार्यया समाचार सम्प्रेषणय् हाकनं ग्वाहालि याय्गु ज्या यानादिल। उगु इलय् धः दय्केज्याय् मेयर बज्राचार्यया कमजोरीलिसें समाचार जिं 'नेपाल समाचारपत्र'य् च्वया। उगु समाचारयात कयाः मेयर बज्राचार्य आपति प्वकादीगु खँ थौ लुमनिगु इलय् न्ह्यइपुस्से च्वं।

वास्तवय् व समाचार तयार याय्गु नितिं सुयात सुयात न्यंसा जी धकाः न्यानाबलय् वय्कलं स्रोत ब्यक्तिया म्हासीका बियादीगु खः। थ्व समाचारया नितिं जिं जानकारी बिल धकाः पिने धाय्गु खँ ला मखु, तर जनहीतया नितिं थ्व समाचार पिहाँ वय्मा धकाः वय्कलं नं धयादीगु खः। 'जिं यानागु बांलाःगु ज्याया प्रचारप्रसारय् ग्वाहालि याय्गुलिसें विक्रम जिगु कमिकमजोरीयात भिकेत इमान्दारीपूर्वक सल्लाह बियाच्चनीम्ह खः।' धकाः पूर्वमन्त्री एवं तत्कालीन मेयर बज्राचार्य शौतक नं कनादी। थ्व विक्रम दाइया निडरताया छगू चिं खः।

जीवनया लिपांगु इलय् धाःसा छाथ् थें वय्कःया व्यक्तित्वया तेज बुलुया वंगु खना। विकृति विरुद्ध न्ह्याय्बलय् खबरदारी यानादीम्ह विक्रम दाइलिपा यथास्थितिप्रति सुम्क च्वनादीगु खना। बौद्ध समाजया यथास्थिति वा संस्थागत परिपाटी अःखः ज्या जुइबलय् नं यथार्थ बोध दयाः नं वय् कलं न्ववाय्माःथाय् नं न्ववाःगु मखना वन। सार्वजनिक जीवनय् न्ह्याबलें जुभारु, नीडर खनेदयाच्चम्ह व तेजस्वी व्यक्तित्व छाथ् थें बुलुहुं बुलुहुं बुलुया वन ? थथे सुम्कं च्वनेगु विक्रम दाइयात थःगु मन व स्वभाव ब्यूगु निश्चय नं मखु।

जिगु लुमन्तिइ विक्रम शाक्य दाजु

वरिष्ठ संगीत श्रष्टा अमरराज शर्मा राजोपाध्यायया हना ज्याइवः यानागु इलय् नं गुलिसित प्रचार प्रसारय् ग्वाहालि याय्त इनाप यानां नं ग्वाहालि याय्त
नुगः स्याःगु नं खन सा विक्रम शाक्य दाजुं जिं फक्व प्रचार प्रसारय् ग्वाहालि याय् धकाः थम्हं हे धयाः अमरराज दाईया, ज्याइवः कजिया ल्याखं जिगु
अन्तर्वार्तालिसें थीथी कथं रेडियोय ज्याइवः तयाः वयकलं ग्वाहालि यानादीगु लमंसे वः ।



बिराजकाजी राजोपाध्याय

नेवाः पत्रकारिता ख्यलय् विक्रम
शाक्य म्हसीकाच्चनेमाःगु ना मखु ।सकसिमं
म्हस्यूम्ह, सकसिया यःम्ह मेट्रो एफ्.एम.या
च्याइवः न्ह्याकांमि लिसें छापा माध्यम्य
सशक्त रुपं कलम न्ह्याःम्ह वयकः । लिपांगु
इलय् त्वचं वयकःयात चीत ला स्वःगु
खः । छुंई ला लासाय हे तयाबिल । अथेसां
भवा जुइ फय्वं हाकनं नं थःगु कर्मयात
निरन्तरता बीगु कुतः वय्कलं यानादीगु खः,
यानाच्चनादीगु खः । तर नियतीयात थ्व
मयःगु खः ला मस्यू भूमीलिसे फायाः गबले
लिहां मवइकथं वय्कःयात यंकाबिल ।
विश्वास याय्त अभं थाकुनि, म्हगसय्
म्हनाच्चंगु खः ला, न्ह्यलं चाइबलय्, अहो
गपायसकं बांमलाःगु म्हगसय् म्हनाच्चंगु
धाय्ला धइथें जुइ । तर मखु, थ्व सत्य
ज्याबिल, विक्रम शाक्य भी दथुइ मन्त ।

वय्कःयात म्हस्यूगु दँदँ हे दय्धुकल ।
जिपि नापलाय्गु व्हःताः ब्यूगु धङ्गु भाषां
हे खः । जि नं थःगु माभाय् नेपालभाषाया
लापिं छुं याय्माः धङ्गु बिचाः तयाच्वनाम्ह,
वय्कः नं उकथं हे भाषा ख्यलय् न्हापानिसें
सक्रियम्ह । वय्कःयात दक्कले न्हापिं
नापलाःगु गन व गबले धङ्गु लुमंमेकफुत ।
तर दक्कले लिपा नापलाःगु धङ्गु छुं ला
न्त्यः, थन लकडाउन जुइ छुं वाः अथवा
लाबला न्त्यः हे जुइफु, यलया पुंचललिक्क
कुंछैय् तुतां चुयाः बुलुहुँ न्यासि भायाच्चंगु ।
आः ठिक जुल विक्रम दाईयात धकाः जिं
न्यनाबलय् वय्कलं थथे धयादीगु खः,
'बुलुहुँ जियाच्चंगु दु का । जुइत भचा थाकु,
अथेसां गुलि सुम्क च्वन, उलि मफयावनी ।
थ्व शरीरयात ज्युतल्ले संकातय्माः ।' वरिष्ठ
संगीत श्रष्टा अमरराज शर्मा राजौपाध्यायया
हना ज्याइवः यानागु इलय् नं गुलिसित
प्रचार प्रसारय् ग्वाहालि याय्त इनाप यानां नं
ग्वाहालि याय्त नुगः स्याःगु नं खन सा विक्रम
शाक्य दाजुं जिं फक्व प्रचार प्रसारय् ग्वाहालि
याय् धकाः थम्ह हे धयाः अमरराज दाईया,
ज्याइवः कजिया त्याखं जिगु अन्तर्वार्तालिसें
थीथी कथं रेडियोय् ज्याइवः तयाः वय्कलं
ग्वाहालि यानादीगु लुमंसे वः ।

विक्रम शाक्य धकाः नां कायर्व दक्कले
लुमनीगु ई धङ्गु क्लासिक एफ एम्यू जमिसं
नापं ज्याङ्गवः न्ह्याकागु ई खः । २०५८
सालय् विक्रम शाक्यलिसें नेवाः पत्रकार
राष्ट्रिय दबूया वर्तमान नायः सुरजबीर
बजाचार्य, संचारकर्मीलिसें कलाकार सुरज
व्यञ्जनकार, अधिवक्ता लिसें नेपालभाषा
मकाः खलःया पुलांम्ह नायः किरण शाक्य
अले पत्रकार राजीव राजोपाध्याय न्याम्ह
जानाः कलश मिडिया प्रा.लिं धङ्गु कम्पनी
दर्ता यानाः क्लासिक एफ एम १०० स बहनी



सर्वोच्च अदालतं स्थानीय निकायसः स्थानीय भाय् छ
यलेमदु धकाः फैसला याः बलम् उगु फैसला विरुद्ध नेवाःत
आन्दोलित जूगु खः । उगु आन्दोलनय् नं विक्रम शाक्य
उलि हे सक्रिय जुयाः ब्याँय जूगु नं थौं मिखाय् लुयाच्चं ।
छन्दु ला असनय् पुलिसं लाठी चार्ज यानाः वय्कःया
ल्हातय् दायाब्यूबलम् ल्हाः हे मनावःगु खः । उगु दिनय्
वय्कः जिग् हे छैय् घनादीगु खः ।

विरुद्ध नेवाःत आन्दोलित जूगु खः । उगु आन्दोलनय् न वक्रम शाक्य उल हे सक्रिय जुयाः ब्वाय् जूगु न थौं मिखाय् लुयाच्व । छन्हु ला असनय् पुलिसं लाठी चार्ज यानाः वय्कलःया ल्हातय् दायाब्बुबलय् ल्हाः हे मनावःगु खः । उगु दिनय् वय्कलः जिगु हे छैय् छनादीगु खः । ल्हाः संके थाकुल धाधा हे न वय्कलं माःगु ज्या यानाच्चनादीगु खः । थःगु शरीरयात सुम्क तय्मज्यू धइगु कथं वय्कलं उबले न थःगु मनावःगु ल्हाःयात जबर्जस्ती हे धइथें ज्या याका च्चनादीगु खः ।

वयूकःया सक्रियता धातुर्थे च्छछाय
 बहःजू । वयूकः दनिगु खःसा नेवाः छ्यःया
 नितिं वयूकलं अर्भं थःगुपाखे फक्व योगदान
 बियादी धइगु खँय् शंका याय्गु थाय् म्दु । वयू
 कः म्दुगु नेवाः छ्यः, नेपालभाषा माध्यमया
 पत्रकारिता छ्यःया नितिं तःधंग् क्षति खः ।

९:३० ता: इलमिसें ११:००ता: तककया ई
न्यानाकया: भित्तुना सच्चि ज्याइव: न्ह्या:गु
दगु ख: । उगु ज्याइव: पुचलय् जि नं
दुथ्या:गु जुल । विक्रम शाक्य दार्जु ज्याइव:
कजि जुया: थ:गु योगदान बियादिल । उगु
इलय् ज्याइव:या डिजाइन यायगु, उकियात
बांलाकेत मा:कर्था योजना दय्केगु आदि

ज्याय् जि व विक्रम शाक्य दाजु निम्ह जानां
यक्व ज्या यानागु दु । उगु इलय् वय्कलं
न्ह्याकादीगु धम्म तह्या ज्याइवः नं जिपिं
निम्ह जानाः हे दय्कागु खः ।

थनथाय् उगु हे दैय् सर्वोच्च अदालतं
स्थानीय निकायस स्थानीय भाय् छ्यलेमदु
धकाः फ़ैसला याःबलय् उगु फ़ैसला



आयो नून खाई स्वस्थ रहौ



आइदात्म आयो 'आयो नून' यरसो स्वस्थताके कोइ नून



आयो नून

आयो नून खाई स्वस्थ रहौ

आयो नूनको कमीकाट हने किछिदिहः

- 1. लो हुने कुनैदिह कोइ नून नै खाई केहु कोइ, कोइदिह कोइ नून नै खाई
- 2. कोइदिह कोइ नून नै खाई केहु कोइ, कोइदिह कोइ नून नै खाई
- 3. कोइदिह कोइ नून नै खाई केहु कोइ, कोइदिह कोइ नून नै खाई
- 4. कोइदिह कोइ नून नै खाई केहु कोइ, कोइदिह कोइ नून नै खाई
- 5. कोइदिह कोइ नून नै खाई केहु कोइ, कोइदिह कोइ नून नै खाई
- 6. कोइदिह कोइ नून नै खाई केहु कोइ, कोइदिह कोइ नून नै खाई
- 7. कोइदिह कोइ नून नै खाई केहु कोइ, कोइदिह कोइ नून नै खाई
- 8. कोइदिह कोइ नून नै खाई केहु कोइ, कोइदिह कोइ नून नै खाई
- 9. कोइदिह कोइ नून नै खाई केहु कोइ, कोइदिह कोइ नून नै खाई
- 10. कोइदिह कोइ नून नै खाई केहु कोइ, कोइदिह कोइ नून नै खाई

आयो नून खाई स्वस्थ रहौ



राम प्रजापति
प्रोफेसर

हारती मिठाई भण्डार
(शुद्ध शाकाहारी)

कालिमाटी चौक, टंकेश्वर मार्ग, काठमाडौं ।
फोन नं. : ४२७२९९९, मो. ९८०३९८०६९९

यहाँ:- विवाह, व्रतबन्ध, पाटी, पिकनिक, तथा अन्य शुभ कार्यको लागि अर्डर अनुसार मिठाईको व्यवस्था गरिन्छ ।





असंभुलु अजिमा

किपा : रमेश शाक्य

नेवा: संकिपाय् नेपा:या इतिहास व जामन: गुभाजु


हिन्दुस्तानया छम्ह चटकें नेपा:गालय् वया: मनूतय्त भ्रमित याय्कथं चटक क्यनिबलय् जामन: गुभाजुं उम्ह चटकेयात पाठ स्यनीगु अले उम्ह चटके जामन गुभाजुया छैय् वनीबलय् अन छैय् जामन: गुभाजुया जहानं थ:गु तुति भुतुली दुछ्वया मि दुयाच्चनिगु, शान्तिपुली जुजुयात छ्वया: तुत: पित हइगु थेंजा:गु किम्बदन्तियात संकिपाय् क्यनात:गु दु



विजयरत्न असंबरे

नेवा: संकिपाख्यलय् तसकं हे बय्बय् जूगु संकिपा धइगु “जामन: गुभाजु” ख:। संकिपाख्यलय् छम्ह बांला:म्ह क्यामेरामायनया रुपय् नांजा:म्ह रवि सायूमिया निर्देशनय् तयार जूगु थ्व “जामन: गुभाजु” संकिपा धइगु प्यस:दैति न्ह्य: यैया जुजु प्रताप मल्ललिसे स्वापू दुगु ऐतिहासिक तथ्य जा:गु बाखं ख:। न्हापा मल्ल काल, लिच्छवि कालय् नेपालमण्डलय् तान्त्रिक विधिं यक्व हे थाय् कयात:गु खनेदु। उगु कालय् जुजुपिन्सं तान्त्रिक गुरुजुपिनिगु सल्लाह व ग्वाहालियात थ:गु शासनया मू आधारकथं काइगु ख:। चाहे नेपालमण्डलय् अनाबृष्टि जुया: हाहाकार जुयाच्चंगु इलय् कामारूकामाक्ष वना: सहकालया द्य: बुंगद्य: का:वनेत ख्वपया जुजु नेन्द्रेदेवं बन्धुदत्त नांयाम्ह तान्त्रिक गुरुजुया ग्वाहालि का:गु छाया मजुइमा वा ख्वपया जुजु राघवदेवयात यैया खुसिया फि लुँ जुइगु खँ कनीम्ह तान्त्रिक गुरुजु सिद्धिबन्तया सल्लाह ब्यूगु खँ थमजुइमा, जुजुपिन्त तान्त्रिक विद्या स:पिं गुरुजुपिन्सं ब्यूगु सल्लाहया दसूकथं काय्ज्यू। “जामन: गुभाजु” संकिपाय् नं जुजु प्रताप मल्लया पालय् जुजुयात सल्लाह बीम्ह तान्त्रिक गुरुजु जामन: गुभाजुया बाखं ज्वनात:गु दु।

जामन: गुभाजु धइम्ह यैया ज्यापुतुं (जपतुं)लिसे स्वापू दुम्ह तान्त्रिक ख:सा उगु कालय् नेपालमण्डलय् परयु जुइगु हरेककथंया आपतविपत ज्यंकाबीम्ह तान्त्रिक ख:। अनाबृष्टि जुया: अनिकाल हे जूगु इलय् स्वयम्भूया शान्तिपुली दुने च्वंगु नागया हिं च्वयात:गु तुत: पित हया: निभालय् क्यबलय् वा व:गु धइगु किम्बदन्ति दु। जामन: गुभाजु, सिद्धिबन्त वा बन्धुदत्तया बाखं धइगु उगु कालया जुजुपिर्लिसे तप्यंक हे स्वापू दयाच्चंगु ल्याखं थ्व छगू इतिहासया खँ ख:सां थुकी छ्यलात:गु वा भीसं न्यना वयाच्चनागु गुलिखे खँ किम्बदन्तिया रुपय् जक न्यना वयाच्चनागु ख:। ऐतिहासिक तथ्यत उलि छ्यलात:गु खनेमदुसां थ्व इतिहासय् जूगु हे घटना जगुलिं ऐतिहासिककथं कयात:गु दु। “जामन: गुभाजु” छगू ऐतिहासिक संकिपा जूवंगु दुसा जामन: गुभाजुयात पात्रकथं छ्यला: थ्व स्वयां न्हापा “तापलय्” नं पिदनेधुंकूगु दु। थ्व ल्याखं “तापलाय्” दुने नं ऐतिहासिक तथ्य दुगु संकिपा ख:। अथे हे तुं थौंकन्हय् बेलायतय् च्वना वयाच्चम्ह संयुक्त श्रेष्ठ दय्कूगु “शंखधरया बाखं” नांयागु एनिमेटेड संकिपा नं इतिहासया छब्व न्ह्यब्वयात:गु नेवा: संकिपा ख:। थुकी नेपाल सम्वत्या प्रवर्तक शंखधर साख्वा:या बाखं न्ह्यब्वयात:गु दु।



“जामन गुभाजु” संकिपाया चर्चा याय्बलय् भीसं आपालं न्यना वयागु हिन्दुस्तानया छम्ह चटकें नेपा:गालय् वया: मनूतय्त भ्रमित याय्कथं चटक क्यनिबलय् जामन: गुभाजुं उम्ह चटकेयात पाठ स्यनीगु अले उम्ह चटके जामन गुभाजुया छैय् वनीबलय् अन छैय् जामन: गुभाजुया जहानं थ:गु तुति भुतुली दुछ्वया मि दुयाच्चनिगु, शान्तिपुली जुजुयात छ्वया: तुत: पित हइगु थेंजा:गु किम्बदन्तियात हे जक संकिपाय् क्यनात:गु दुसा निर्देशकपाखें मेगु छुं नं कथंया ऐतिहासिक व दसि न्ह्यब्वयगु कुत: जूगु खनेमदु। अले थथे याय्गु धइगु नं अ:पगु ज्या मखु। न्ह्यागु हे जूसां छगू इतिहासया बाखंयात संकिपाया पर्दाय् हय्त “जामन: गुभाजु” संकिपा याउँक हे ता:ला:गु दु। “जामन: गुभाजु” संकिपाय् क्यनात:गु लू न्हापा “तापलय्” संकिपाय् नं क्यनेधुंकूगु दु। अथे हे तुं “शंखधरया बाखं” संकिपाय् नं जुजु राघवदेवया शासनकालया खँ न्ह्यब्वयत ता:ला:गु व ख्वपनिसें ज्यामित छ्वया हया: लुँ का:व:गु खना: शंखधरयात शंका वंगु घटना बाहेक मेगु छुं कथंया प्रमाण मालेगु धा:सा कुत: जुयाच्चंगु मदु।

“शंखधरया बाखं” दय्कूम्ह संयुक्त श्रेष्ठया कुतलं थौं नेपालमण्डलं आजुकथं कयात:म्ह लाखेया बाखं ज्वना: “मजिपा: लाखे” नांयागु एनिमेटेड संकिपा याकनं हे पिहाँ

वइगु खँ दुसा मजिपा:या थ्व लाखेया बाखंया लिधंसाय् निर्देशक आर्यम नक:मिं “लाखेभाजु” नांयागु नेवा: संकिपा दय्काच्चंगु दु। नेपा:या हे लोकंह्वा:म्ह हिरोइन आशिष्मा नक:मिया होमप्रोडक्सनया रुपय् दय्काच्चंगु थ्व संकिपाया नां “लाखेभाजु” धका: छुनात:गु खँयात कया: मजिपा: लाखेलिसे स्वापू दुपिन्सं कुरिनाच्चंगु दुसा इमिगु माग धइगु इमिसं परम्परानिसें थ: आराध्य द्य:कथं पुज्याना वयाच्चम्ह आजुयात लाखेभाजु धका: सम्बोधन मयासे लाखेआजु धका: हे संकिपाया नां छुइमा: धइगु ख:। थुकी निर्देशक आर्यम नक:मिया धापूकथं थ्व संकिपा स्वयधुंका: संकिपाया नांयात कया: ब्वलंगु शंका चिलावनि धइगु खनेदु।

थुकथं ऐतिहासिक घटना वा पात्रयात कया: संकिपा दय्कीबलय् थजा:गु स: थ्वइगु स्वाभाविक हे ख:। नेपालय् दय्कूगु “वीर गणेशमान” थेंजा:गु बायोपिक संकिपायात कया: जुइमा चाहे “बसन्ती” थेंजा:गु जङ्गबहादुरया उदययात कया च्वयात:गु उपन्यासया लिधंसाय् दय्कूगु संकिपा हे छाया मजुइमा, उकियात कया: नं कुंछुंमिं मदुगु मखु। बलिउडय् कंगना रनौटया मू भूमिका दुगु “मणिकर्णिका” अले रणवीर सिंह, दीपिका पादुकोणे व शाहिद कपुरया भूमिका दुगु “पद्मावत” थुनिया न्हूगु दसू ख:।

नेवा: संकिपायात कया: चर्चा याय्बलय् न्हापांगु

नेवा: संकिपा “सिलु” अले अनौलिपा “राजमति” थेंजा:गु संकिपाया परिवेश नं ऐतिहासिक हे ख:। जब कि थ्व निगुलिं संकिपाय् छुं कथंया शासनकाल धा:सा न्ह्यथनात:गु मदु। अथेसां संकिपाय् क्यनात:गु लकसं थ्व आ:या बाखं मखु धइगु याउँक हे कथं। अथे हे तुं भिन्नादै नीडैति न्ह्य: पिहाँव:गु “गुरूमापा” नांयागु संकिपा नं इतिहासलिसे हे स्वापू दुगु संकिपा ख:। यैया इतुम्बहा:लिसे स्वापू दुगु थ्व संकिपाया निर्देशक शान्तराज शाक्य ख:। शान्तराज शाक्यया हे निर्देशनय् पिहाँव:गु “यलय् बाथ” ला यलया इतिहासलिसे तप्यंक हे स्वापू दुगु कात्तिप्याखनय् दुथ्यानाच्चंगु बाखं ख:।

निर्देशक आर्यम नक:मिया सा:प हे बय्बय् जूगु “भिन्तुना” संकिपाय् नेपा:या छुं ऐतिहासिक कालयात ब्याख्या यानात:गु मदुसां थुनिया परिवेश समकालीन ई मखुसे ऐतिहासिक ई यानात:गु दु। नेपाल अन्तर्राष्ट्रिय आदिवासी चलचित्र महोत्सवय् दकलय् बांला:गु संकिपाया रुपय् क्रिटिक्स अवाडैतकं त्याकूगु थ्व संकिपायात ऐतिहासिक संकिपा धका: मधा:सां इतिहासया लकस दुगु संकिपा ला पक्कां हे ख:सा लिपा आर्यम नक:मिं मय्जु सुनिता राजभण्डारीलिसे जाना: दय्कूगु “माया” संकिपाया लकस नं समकालीन ई मखुसे पुलांगु ई यानि कि ऐतिहासिक परिवेशयात क:धानात:गु दु। आ: वया: सञ्चारक:मि एवं संकिपा निर्देशक दर्शनवीर शाक्य दय्कूगु “द मिथ जिरो” नांयागु चीहा: संकिपाय् थौया समकालीन ई व म्हाग:या ऐतिहासिक ईयात ल्वाकछ्यानात:गु दु।

थुकथं नेवा: संकिपाय् खनेदया वयाच्चंगु इतिहासया खँय् आ: वया “च्वापुफय्” छगू न्हूगु दसू जुया: पिदनिगु सम्भावना ब्वलना वयाच्चंगु दु। छगु पुलांगु नेवा: काव्य “जि वया ला लच्छि मर्दिनि”या लिधंसा कया: दय्काच्चंगु थ्व संकिपाया दक्व धइथें ज्या क्वचाय्धुंकूगु दुसा आ: थुनिया लिपांगु चरणया ज्या जुयाच्चंगु दु। थ्व संकिपाय् न्हापान्हापा ल्हासाय् वना: बनेज्या या: वनीपिं ल्हासाबज्जा:या मतिनाया बाखं खनेदइगु जूगु दुसा उकिया हे लिधंसाय् उगु ईया जीवनशैली व राजनैतिक परिवेश नं खनेदइगु खँ दु। थौं स्वयां गुस:त्यदै न्ह्य: सन् १८३७पाखेया परिवेशयात थ्व संकिपाय् स्वयदइगु खँ दु। थ्व संकिपायात कया: पिदंगु खँकथं संकिपाय् उगु इलय् छम्ह बज्जा:लिसे इहिपा: याना: भौमचा जुया: छैय् दुहाँव:म्ह मिसां ल्हासाय् वनेत्यंम्ह थ: मिजंयात व मिजंयागु छैय् “जि वया ला लच्छि मर्दिनि, छि थथे तापलय् भाय्गु ला” धइगु न्ह्यस: थंगु खँ न्ह्यब्वयात:गु दुसा थ्व हे मू बाखंया ज:ख: च्वना: उगु ईया नेवा:तय्गु सामाजिक परिवेश क:धानात:गु धइगु चर्चा दु।

थ्व “च्वापुफय्” संकिपाय् उगु इलय् नेपा:या शासन सत्ताय् जङ्गबहादुरया उदय मजुनिगु व तत्कालित प्रधानमन्त्री भीमसेन थापाया पतनयात क्यनीगु दुसा भीमसेन थापाया पतन लिपा जङ्गबहादुर कुँवरया आर्थिक स्थिति बांमलाना वनीबलय् उगु ईया नांजा:म्ह बज्जा: धमांसाहुं वयात दां त्यासा बिया: ग्वाहालि या:गु खँया नापनापं नेवा:तय्गु उगु ईया स्थिति यात नं स्वयदइगु चर्चा दु। अथे हे तुं साम्राज्यवादी ब्रिटिश सरकार थ:गु शासनयात तब्या: याना: यंकूगु इवलय् बेलायतया दूत ब्रायन हडसनयात नेपा: व:गु खं नं “च्वापुफय्” संकिपाय् स्वयदइगु जूगु दुसा थुकिं याना: थ्व संकिपायात नेपा:या इतिहासयात कुलात:गु संकिपाकथं न्ह्य:ने वइगु आपासिनं चर्चा यानाच्चंगु दु।

स्वस्थ पत्रकारिताको विकास स्वतन्त्र र हक

अधिकारको जगेर्ना, राष्ट्रिय सर्वमान्य प्रचलन र

मान्यतालाई समायोजन गर्दै अगाडि बढ्नु आजको

अपरिहार्य आवश्यकता हो ।



नेपाल सरकार

सञ्चार तथा सूचना प्रविधि मन्त्रालय

सूचना तथा प्रसारण विभाग

बुद्ध भजन प्रतिभा मालेज्याय् अगिना व सुशील न्हाप



बुद्ध शान्त पार्क निर्माण समितिया ग्वसालय् नेपालभाषा व नेपाली बुद्ध भजनया माध्यमं अनलाइनपारखें जुयाच्चंगु प्रतिभा मालेज्याया त्याकामिपिं घोषित जूगु दु । नेपाली बुद्ध भजन विधा शनिबा: यैय् क्वचा:गु लिपांगु धेंधें बल्लाखय् अगिना तण्डुकार न्हाप लात सा रेशम थापा ल्यू व कल्पना श्रेष्ठ लियांल्यू लात । त्याकामिपिन्त शहरी विकास राज्यमन्त्री रामवीर मानन्धरं ट्रफि लःल्हानादिल । अथे हे, प्रा. सुवर्ण शाक्यं दसिपौ लःल्हानादिल ।

नेपाली बुद्ध भजन अन्तर्गतया प्रतिभा मालेज्याय् मुक्कं सच्छिम्हेसिन् ब्वति का:गु खःसा अनलाइन माध्यमं जूगु धेंधें बल्ला:या थीथी चरणं त्यानावया: लिपाम्ह १० तक्क थ्यनेत ता:ला:पिं टप टेन दथुइ लिपांगु धेंधें बल्ला: जूगु खः । उगु हे ज्याइवलय् कासा

ज्वःछि दक्कले आपा: एसएमएस चूलाकूपिं निम्ह व युट्युबय् दक्कले आपा: भ्यूज वःपिं निम्हलिसें कासाया दक्कले ज्याथःम्ह छम्ह व जिथिम्ह छम्ह लिसें दक्कले क्वकालिम्ह मचा कासामियात तर्क सिरपा: ब्यूगु खः ।

ज्याइवलय् वरिष्ठ गायिका रमना श्रेष्ठ, प्रा. सुवर्ण शाक्य लिसें नं वौद्ध ख्यलय् धेंधें बल्ला: वा कासा मजुइगु तर ईकथं न्ह्या:वना: प्रतिभा मालेगु ज्या धा:सा बांला:गु बिचा: तयादिल ।

शुक्रबा: क्वचा:गु नेपालभाषा बुद्ध भजनया प्रतिभा मालेज्याय् धा:सा सुशील शाही न्हाप लात सा मन्जिल शाक्य ल्यू व प्रतिभा बज्राचार्य लियांल्यू लायेत ता:लात । वय्कः त्याकामिपिन्त नं शहरी विकास राज्यमन्त्री मानन्धरं हे ट्रफि लःल्हानादीगु खःसा उद्योगपति,

समाजसेवी धर्मबहादुर शाक्यं दसिपौ लःल्हानादिल । न्हाप ला:म्ह शाहीयात समाजसेवी शाक्यं व्यक्तिगत थःगुपाखें ५द्वः तका नं बियादीगु खः । नेपालभाषा बुद्ध भजन विधा अन्तर्गत नं दक्कले आपा: एसएमएस मत चूलाकूपिं निम्ह व युट्युबय् दक्कले आपा: भ्यूज वःपिं निम्हेसित सिरपा: ब्यूगु खः । नेपालभाषा विधापाखें धा:सा मुक्कं सच्छि व ४०म्हेसिया ब्वति दुगु खः । निन्हुया हे धेंधें बल्लाखय् वरिष्ठ संगीतकारद्वय डबल शाक्य व अनिल तुलाधर, वरिष्ठ गायिका रमना श्रेष्ठ, लोककवि राजभाई जकःमि व वरिष्ठ लेखक, निर्देशक पवन जोशी दुथ्या:गु निर्णायक मण्डलं त्याकामि ल्यःगु खः ।

नुगः खँ तयेगु इवलय् शहरी विकास राज्यमन्त्री रामवीर मानन्धरं कासाया ग्वसा: खलः बुद्ध शान्त पार्क निर्माण समितिं देवघाटय् दयेकाच्चंगु पार्कया लागिं थम्हं फक्व ग्वाहालि यायेगु प्रतिवद्धता प्वकादिल । बुद्धया शान्तिया हसना व महान वाणीयात अन्तर्राष्ट्रिय जगतय् प्रचार यायेगु ज्याय् ग्वाहालिया लागिं संघ, प्रदेश व स्थानीय सरकारलिसे थम्हं समन्वय यायेगु राज्यमन्त्री मानन्धरं धयादिल । बुद्ध शान्त पार्क निर्माण समितिं देवघाटय् ३० रोपनी जग्गाय् १६ फिट तःधिकःम्ह बुद्ध मूर्तिया नापं पञ्चबुद्ध तर्क स्थापना याना: ध्यान कक्षालिसेया बुद्ध शान्त पार्क दयेकेज्यायात न्ह्याकातःगु दु ।

नेपाःमिया...

बजा: भा:लिसें बजारय् उपलब्धता जक मखु, नखःलिसे स्वानाच्चंगु थीथी साँस्कृतिक, सामाजिक ज्याखँया खँय् तर्क थुगुसी अन्यौलताया अवस्था दु । थ्व हे इवलय् थुगुसी मोहनिया इवलय् यल व ख्वपया तलेजुइ जुइगु बलि पूजा मयाइगु सुचं सार्वजनिक जुइधुंक्गु दुसा यँया तलेजुया बारे छुं हे जानकारी औपचारिक रुपं पिहामवःनि ।

कोरोना सङ्क्रमणया जोखिमया हुनिं ख्वपया तलेजुइ मोहनिया इवलय् जुइगु बलि पूजालिसें थीथी जात्रापर्व थुगुसी मयाय्गु धका: औपचारिक रुपं हे सुचं पितबीधुंक्ल । मोहनिया इवलय् तलेजुइ जुइगु बलि पूजा लिसें मेमेगु जात्रापर्वयात नं औपचारिकता जक बिया: चीहाकलं सिधय्केगु धाय्धुंक्गु दु । ख्वप दरवार क्षेत्रस्थित तलेजु परिसरय् जुइगु थीथी जात्रालिसे स्वापू दुगु खलः, पुचःया बैठकं वंगु मंगलबा: बैठक च्वना: थथे निर्णय या:गु खः । तलेजुया पुजारी थीथी जात्रालिसे सम्बन्धित गुथियार, गुठी संस्थान ख्वपया प्रमुख, महानगरीय प्रहरी परिसरया प्रतिनिधि व जिल्ला प्रशासन ज्याकूया प्रतिनिधिया उपस्थितीइ ख्वपया नगरपालिकाया प्रमुख सुनिल प्रजापतिया अध्यक्षताय् च्वंगु बैठकं थथे निर्णय या:गु खः । सम्बन्धित जात्राया सरोकारवालातय् बिचा: कया: जक थथे निर्णय यानागु ख्वप नगरपालिका न्हयथंगु दु । मोहनिया इवलय् तलेजु भवानीया पूजा लिसें मेमेगु पूजा नं स्वास्थ्य सुरक्षा मापदण्ड पालना यासें सामाजिक दुरी कायम याना: विधि पूर्वका: सामान्य पूजाय् सीमित याय्गु निर्णय या:गु खः । उकिया नापं नवरात्रिया इवलय् थीथी शक्तिपीठय् भीडभाड मयाय्त नं ख्वप नगरपालिकां इनाप या:गु दु । उकिया नापं मोहनि ज्वःछि तलेजु परिसरय् पूजालिसे सम्बन्धितबाहेक मेपिन्त दुकाय्गुलिइ रोक तय्गु नं निर्णय या:गु दु ।

उकिया नापं यलया तलेजुइ नं मोहनिया

इवलय् जुइगु थीथी पर्वपूजा, जात्रा अले प्याखंत तर्क थुगुसी कोरोना महामारीया हुनिं सीमित रूपं जक हनीगु जूगु दु । यल महानगरपालिकां विज्ञप्ति जारी यासें मोहनिया इलय् जुइगु श्री मनमानेश्वरी भगवतीया पाया:, अष्टमातृकाया गंग्याखं, थ्येचोया नवदुर्गागणया गथु प्याखलिसेया पर्व पूजाय् जक सीमित जुइगु न्हयथंगु खः । लिसें उगु हे विज्ञप्तीइ धार्मिक परम्परा कथं यानावःगु विधिवत् पूजायात धा:सा निरन्तरता बीगु तर मेगु उत्सव जात्रा मयाय्गु न्हयथनातःगु दु । गुठी संस्थान यल, जात्रापर्वलिसे सम्बन्धित सरोकारवाला संस्था व स्थानीय गुथियार तर्क च्वना: थुगु निर्णय जूगु नं विज्ञप्तिइ धयातःगु दु ।

संघीय सरकारपाखें नं थुगुसी छँजः जक मुना: नखः हनेत इनाप या:गु दु । मोहनि हनेत धका: थुगुसी छँय् मवसे सुगन गन दु अन अन हे च्वना: नखः हनेत लिसें टिका काय्गु धाय् अथवा सिन्हः तीगु ज्या नं परिवार जक च्वना: याय्त सरकारं इनाप या:गु दु ।

थुगु खँया दथुइ सामाजिक संजालय् यक्व खँ खनेदयाच्चंगु नं न्हयथनेबहःजू । सरकारं धालाकि उकिया अःखः हे याय्मा: थें, नखःचखः धालकि तःजकि हे हनेमा: थें, थःत वा थःगु थःथितिपिन्त कोरोना संक्रमणं थी हे मखूगु, नेवाःतय्त कोरोना संक्रमण जुइ हे मखूगु थज्याःगु आपालं खँत सामाजिक संजालय् खनेदयाच्चंगु दु । लिसें हलिन्यंकया वैज्ञानिकपिनिगु अध्ययन, अनुसन्धानयात हाकुतिना: खँ ल्हाइपिं फेसबुके विज्ञपिं नं उलि हे खनेदयाच्चंगु दु । नेपाल सरकारं संक्रमण नियन्त्रणय् गुलितक्क प्रभावकारी ज्या याय् फत धइगु खँ ला आःया तथ्याङ्क क्यनाच्चंगु दु । संक्रमण नियन्त्रण व रोकथामया लागिं लकडाउन याःगु न्हयला लिपा वया: संक्रमण नियन्त्रण जुइगु ला छु, भन अप्वयावंगु अवस्थाय् थ्यंगु दु । थ्व धइगु सरकारया तःधंगु असफलता ख हे खः । तर अथे धाय् वं तुं आम जनता नं लापरवाह जुइ दक्कले

मज्यू । नखः धाय्वं चीसकं हने हे मज्यूगु धइगु नं मदु । अवस्था अनुसार सामान्य इलय् नं चीसकं हनेमालेफु । आःया परिस्थितीइ जात्रा न्याय्के हे मा:, नखत्या सःते हे मा:, तःधक हे हनेमा: धाय्गु धइगु भीगु हे समाजया निती जोखिमपूर्ण जुइफु । संक्रमण नियन्त्रणया सवालय् आःया अवस्थाय् भी थः हे सचेत जुइमाल । थ्व महामारी नेपालय् जक वःगु मखु, हलिन्यंक हे थुकिं दुःख बियाच्चंगु दु । दँ न्हयःनिसें ल्वयलिसे संघर्ष याना: म्वानाच्चीपिं दीर्घरोगीपिं थुगु संक्रमणं थी सातके सिनाच्चंगु, आपा: उमेरया ज्याथःजिथि, चिचीधिकःपिं मस्तय्त थुगु संक्रमणं थियाकथं हे मृत्यु जुयाच्चंगु भीसं खनाच्चनागु दु । थः बल्ला धका: यानाजुइगु लापरवाही अज्याःगु वर्गया मनुय्तय्त घातक जुइफु धइगु नं थुइकेमाः । थुगुसी नखः हने, नखःया भिन्तुना नं कालबिल याय् तर समाजया स्वास्थ्य सुरक्षयात नं ध्यानय् तय् । मोहनिया भिन्तुना ।

बोर्ड...

थ्व हे इवलय् महानगरपालिकाया जनप्रतिनिधि वय्धुका: या:गु क्वःछिना आःतक नं शुरु हे जूगु मदु । गथेकं लण्ख्यलय् नगर विकास कोषया ऋणया ग्वाहाली व्यापारिक प्रयोजनलिसेया यल महानगरपालिका-१२ वडाया ज्याकू दय्केगु लाछिखिचा व्यवस्थापन याय्त सुन्दरीघाटय् कान्जीहाउस दय्केगु, कुपण्डोल न्हाय्पंस्या:द्यः, हरिहरभवन मन्त्री निवास, जाह्वलाख्यः उग्रचण्डी देगः, बागमती तौनिसें सातदोबाटो जुया: सुनाकुथिया लँ, जाह्वलाख्यःनिसें भैसेपाटी, सातदोबाटोनिसें जल व धापाख्यःया लँ जःखः स्मार्ट सतक मत व सिमिटिभी तय्गु, फ्लाइओभर ब्रिज, आकाशे तौं दय्केगु, लण्ख्यःया सप्तपाताल, न्हुपुखुली लः जाय्केगु ज्या न्ह्याःगु हे मदुनि ।

अथे हे, देगः, शिवालय आदिया लगत मुंका: विश्व सम्पदाया धलखय् दुथ्याकेगु नितीं पहल याय्गु, बुंगद्यः सालीबलय्

मदुम्ह पत्रकार शाक्यया छँजःपिन्त ग्वाहालि



नेपाली काँग्रेस यल मनपा-१६ वडा इकाईपाखें मदुम्ह पत्रकार विक्रम शाक्यया छँजःपिन्त भिद्वः तका आर्थिक ग्वाहालि याःगु दु । नेपालभाषा, लिपि, बौद्धधर्म, संस्कृति, सम्पदा क्षेत्रय् प्रकाशन, प्रसारण निर्गुलिं माध्यमं मूवंगु योगदान यानादीम्ह शाक्य वंगु असोज १५ गते मदुगु खः ।

इकाईपाखें सभापति रविन्द्र शाक्यं

मदुम्ह शाक्यया जहान धनलक्ष्मी शाक्ययात उगु ग्वाहालि लःल्हानादीगु खः । यल महानगरपालिका-२०या वडाध्यक्ष चन्द्र महर्जन, नेवा: पत्रकार राष्ट्रिय दबूया नायः सुरजवीर बज्राचार्य, इकाईया सचिव प्रताप शाक्य, वडा दुजः धनकाजी शाक्यया उपस्थितिइ वडाया ज्याकुथिइ ग्वाहालि लःल्हाय्गु ज्या जूगु खः ।

जागरुकया प्यक्वःगु हिदान ज्याभूवः क्वचाल

जागरुक युवा समाजं यैय् प्यक्वःगु खुसी हिदान ज्याइवः याःगु दु । समाजं यै महानगरपालिका २४ वडालिसेया मंका: ग्वसालय् वंगु शनिबा: यँया इतुम्बहालय् हिदान ज्याभूवः याःगु खः । ब्लड डोनर्स एशोसिएसन नेपाल (ब्लोदान) या आह्वानय् समाजं हिदान ज्याभूवः याःगु खः । हिदान ज्याभूवलय् मुक्कं २१म्हेसिनं हिदान याःगु खः ।

लिपांगु इलय् जागरुक युवा समाज विशेष याना: यँया पुलांगु वस्तीइ फुटपाथ पसः चीकेगु अभियानय् सक्रिय जुयावःगु दु । आः महामारीया इलय् सुनं विरामी हिया अभावया

हुनिं ज्यान मवनेमा धका: समाजं हिदानयात नं प्राथमिकताय् तया: हिदान ज्याभूवः यानावयागु समाजया सह सचिव लिसें हिदान ज्याभूवःया कजि राजीव श्रेष्ठं धयादिल ।

सामाजिक दुरी कायम यासें स्वास्थ्य सुरक्षा मापदण्डयात लिना: हिदान ज्याभू वः याःगु खः । ज्याभूवःयात सुरक्षित ढङ्गं क्वचायेकेत ब्लोदानया लागिं व्यक्तिगत सुरक्षा उपकरण (पिपिई), मास्क व सेनिटाइजर लिसेंया सुरक्षा ज्वलंत यै महानगरपालिका २४ वडाया वडाअध्यक्ष बालकृष्ण श्रेष्ठं ग्वाहालि यानादीगु ग्वसा: खलकं जानकारी ब्यूगु दु ।

नख्खु खुसिइ जुइगु मेलाया निती पूर्वाधार दय्केगु, धापाख्यलय् सभागृह दय्केगु, पर्यटक चक्रपथलिसें सूचना केन्द्र दय्केगु, कुपण्डोलनिसें लण्ख्यःतकया सतकय् स्मार्ट सोलार ट्राफिक आइल्याण्ड, सार्वजनिक थासय् सोलारपाखें च्याइगु स्मार्ट चार्जर, स्ट्रीट साइन, स्मार्ट बस रुट पोल तय्गु, जाह्वलाख्यः व लण्ख्यःया तरकारी बजा:यात चिस्यान केन्द्रलिसेया व्यवस्था याना: आयमूलक दय् केगु, धुमिंत चःबि सञ्चालन याय्गु, शंखमूलय् अस्पताल दय्केगुया नापनपां पूच्चय् च्वंगु श्रीमहल, जाह्वलाख्यलय् च्वंगु नारायण शम्शेर भवन व सिँचाई विभाग दुगु भवन प्राप्ति याय्गु ज्या नं आःतक न्ह्याःगु मदुनि ।

थ्व हे इवलय् कार्यान्वयनय् वःगु निर्णय धाय्बलय् शताब्दी पुरुषलिसें वरिष्ठ

संस्कृतिविद् डा. सत्यमोहन जोशीयात आजीवन चालकलिसें सवारी साधन, सञ्चार व सुरक्षा गार्ड, पर्यटन प्रवेश शुल्क एकद्वार प्रणाली, सार्वजनिक चःबि व पार्किङ्गपाखें राजश्व संकलन, महापाल चुकय् ट्राफिक लाइट तय्गु, विश्व कला परिषदं यलयात 'कला नगरी' शहर घोषणा याय्गुली भूमिका मिह्त्तुगु आदियात काय्फु ।

अथे हे, महानगर दुनेया लँया कालोपत्र याय्गु, इलेक्ट्रिक बिल्डिङ परमिट स्टीम प्राणली लागू याय्गु, नेपालभाषाया कक्षा न्ह्याकेगु, हरियाली प्रवर्द्धन याय्त कुपण्डोल, जाह्वलाख्यःया पःखा: थुना: नँया बार तय्गुलिसें छँया ल्या: तया: राजश्व मुंकेगु ज्यायात प्रभावकारी दय्केगु नितीं यानाच्चंगु ज्या आशिककथं कार्यान्वयन जूगु खनेदु ।



मेयर शाक्यपाखें आकाशे ताँया उलेज्या



यैँ महानगरपालिका-७ वडाया चाबहिल चोकय् दय्कूगु आकाशे ताँया उलेज्या महानगर प्रमुख विद्यासुन्दर शाक्य यानादीगु दु। मनूतय्त लै

त्वाःल्हाय्वलय् सुरक्षा जुइमाः धकाः उगु ताँ दय्कागु खँ कनादिसें मित्रपार्कपाखें पशुपति वनेगु थासय् नं स्थानीयतसें थजाःगु ताँ दय्केगु नितिं माग याना

वयाच्चंगु खँ धयादिल।

नयाँ ताँ दय्कूगु उगु आकाशे ताँ कान्छामान निर्माण सेवां ८२गु लख ६६हः ७८३ तकां दय्कूगु खः। उगु ताँया डिजाइनर इञ्जिनियर प्रेमबहादुर श्रेष्ठया कथं ताँया हाकः २३गु मीटर व ब्या २गु मिटर दु।

ज्याइवलय् महानगरपालिका-७या वडाध्यक्ष शुद्धकुमार डंगोलं थजाःगु ताँ मेथाय् नं दय्केमाःगु बिचाः प्वकादिल। महानगर चाबहिललिलसें महानगरपालिका-८या जयबागेश्वरी व माइतीघर मण्डलाय् नं उकथंया ताँ दय्काच्चंगु दु।

तेक्वान्दो डोजाङ्गय् ग्रेटिङ्ग दसिपौ लःल्हात

जैशिवेल युथ क्लबपाखें न्ह्याका वयाच्चंगु जैशिवेल तेक्वान्दो डोजाङ्गय् प्रशिक्षार्थी तेक्वान्दो कासामिपिन्त ग्रेटिङ्ग दसिपौ लःल्हाय्गु ज्या जुल।

दच्छि न्ह्यःनिसें प्रशिक्षण बिया वयाच्चंगु थुगु डोजाङ्ग प्रशिक्षणय् थ्यंमथ्यं ७५म्ह कासामिपिन्त ब्वति कया वयाच्चंगु खः। उगु ज्याइवलय् रेफ्री, ७ दान राजेश प्रजापतिलिसें ब्लायाकबेल्ट अंकित राई प्रशिक्षण बिया वयाच्चंगु खः।

प्रशिक्षण, कासा व कासामिया अवस्थार्थ स्वला, खुलाया ग्रेटिङ्ग ज्याइवः जुइगु खः। उगु ज्याइवलय्



४५म्हेसित ग्रेटिङ्गया दसिपौ लःल्हाःगु खः। क्लबया नायःलिसें अन्तर्राष्ट्रिय रेफ्री ७ दान राजेश प्रजापतिया अध्यक्षताय् जूगु उगु ज्याइवलय्

तेक्वान्दोय् निक्वःतक राष्ट्रिय च्याम्पियन अन्तर्राष्ट्रिय कासामिलिसें चलचित्र संघया नायः मधुसुदन प्रधान मूपाहाँकथं भायादीगु खः।

कोरोनाका महामारी सुरक्षित मुइत लकडाउनका पूर्ण पालना ब्यागदिसै
लकडाउनका कालय् राहत काःजा, एम्बुलेन्स काःजा वा खुँ लै कार्यया उवायलिन
काःजा वचक् विचारइगु फोन जम्बरय् रवापु तचादिसै

एम्बुलेन्सया निति :- १०२

राहत व मेमेगु ग्याहालिया निति : टोल फ्री नं. ११८० व ११३१

-6ft-
Stand clear of others
Don't touch people or objects
Avoid public transport
Wash hands frequently

यै महानगरपालिका काठमाडौं महानगरपालिका हरीनवन, सुन्धार

या न्ह्यल्लया
नौगलभाज्या ग्रेटिङ्ग लःल्हात

मैंचाया सपलय्

१. जि धेगु सन्योसा (सुराइ) २. जि थो जल्मा सपल
३. सन्योसा सन्तुष्टता ४. जि नुसुक्क सपल
५. जि फ्ला सन्योसा ६. एन्त धका सपल
७. सैंचाया सपलय् ८. जिनी सपल सपलय्

निरास
समस्या सट्टी, नुसुकि, जिनेन्द्र कर्जन, गोचल बाब्रिन, आशुपन लखी सट्टी

NOVEL CORONA VIRUS (nCoV)
सर्वसमावेशक लामो ज्ञानपेढासामुलक संदेश

नोवेल कोरोना भाइरसका मुख्य सन्नाहक

ज्वरो
छास प्रश्वसना
रुफा र खोकी

नोवेल कोरोना भाइरसका कसरी सङ्क्रमण भइलाय्?

निजिमा सङ्क्रमण, ज्वरो, रुफा र खोकी
सङ्क्रमण र सङ्क्रमण गर्ने व्यक्ति सङ्क्रमण
सङ्क्रमण र सङ्क्रमण गर्ने व्यक्ति सङ्क्रमण

कोरोना भाइरस प्रसारण गर्ने व्यक्ति सङ्क्रमण गर्ने व्यक्ति सङ्क्रमण गर्ने व्यक्ति सङ्क्रमण गर्ने व्यक्ति सङ्क्रमण गर्ने व्यक्ति सङ्क्रमण गर्ने व्यक्ति सङ्क्रमण गर्ने व्यक्ति सङ्क्रमण गर्ने व्यक्ति सङ्क्रमण गर्ने व्यक्ति सङ्क्रमण गर्ने व्यक्ति



कीर्तिपुर नगरपालिका

नगर कार्यपालिकाको कार्यालय, देवढोका काठमाडौं

सेमिनार वा कार्यक्रमया नितिं लञ्च बक्सया डोर टु डोर सर्भिस याय्गु नं व्यवस्था दु। नापं स्पेशल कुल्फी व बर्थ डे केक नं उपलब्ध दु।

Delicious Sweets

बिग बेल
BIG BELL
Sweet & Snacks Pvt. Ltd.

Kamaladi, Ganeshthar
Kathmandu, Nepal
Tel: 01 4247075, 014244323